

# UURKUNN

Plattdüütsch is een Pieler von uns norddüütsche kulturelle Identität. De Plattdüütsch-Stiftung Neddersassen will sik dorför insetten, dat disse Pieler nichwegbrickt.

In Tieden, wo Hochdüütsch dörch Denglisch in de Bedrullje kummt, sütt dat för Plattdüütsch noch wat leger ut. Liekers hebbt noch vele Minschen in Neddersassen Plattdüütsch op de Tell und op de Tung.

Plattdüütsch leevt un gröönt opstünns sogar dörch. Nich toletzt ok, wiel Plattdüütsch 1999 dörch de „Europäische Charta von de Regionol- oder Minderheitensproken“ an Ansehn trüch wunnen hett.

Liekveel: De Regionolsprook Nedderdüütsch is op Help anwiest. Blot von ole Tieden tehrn langt nich. Mit gode Wöör alleen kummt Plattdüütsch nicht wiet. Dor mut reel Geld in de Hannen nohmen warrn, üm to'n Bispill in Kinnergoorns un in Scholen Plattdüütsch ünnerrichten to können.

Üm dor Hand antokriegen hebb ik een gemeennützige Stiftung ünner den Nomen



gründt.

De Stiftung warrt gründt, so as dat no dat bürgerliche Recht för Stiftungen vorschreven is. Tohuus is se in Stood.

De Stiftung warrt för den Anfang mit een Stiftungsvermögen von 100.000,00 € (in Wöör: Eenhunnertdusend Euro) utstatt.

Zweck von de Stiftung is: De Regionolsprook Nedderdüütsch schall pleegt, erforscht, vermiddelt un wietergeben warrn. Besünnere Projekte un Veranstaltungen op un för Plattdüütsch schüllt jüst so fördert warrn as de Forschung un Lehr.

De Stiftung will sik dorför in't Geschirr leggen, dat junge Lüüd Togang to un Gefallen an de plattdüütsche Sprook findt. Se will allens doran setten, dat in Neddersassen ok in Tokunft vele Minschen Plattdüütsch verstohn un snacken köönt.

Op dissen Weg warrt de Stiftung stütt dörch den Ministerpräsidenten von Neddersassen Christian Wulff as Schirmherr, dörch de Landschaften un Landschaftsverbänn un den Heimatbund Neddersassen.

Organe von de Stiftung sünd de Vörstand un dat Kuratorium.

Allens wat för de Stiftung von Bedüden is, is in de Stiftungssatzung regelt. Se is Bestanddeel von dit Stiftungsgeschäft.

Stood, in'n Juni 2007



Hans-Peter Fitschen